

中华全国图书馆

文献缩微中心



山西省图书馆 摄制

1 9 8 9

原件收藏

山西省图书馆

原件书号

172568-172571

原件状况

原件完好

康熙臨縣志八卷首一卷

(清)楊飛熊修 崔鶴齡等纂

清康熙五十七年刻本

四冊


本部书共摄制 1 卷 卷一至卷八

版权所有 不准复印

本部书开始

本片卷含： 卷一至卷八

臨縣志一



臨縣誌叙

方今四海昇平九口式
命際蟠所屆沐浴

聖天子御極以來之湛恩汪
歲五十七年以故幅員

之開拓爲從古帝王
所未有曩者

上命儒臣纂修一統志外
徵直省郡邑志圖畫
邊腹形勢進呈

御覽欽定皇輿表方輿
程攷略諸書舉凡輿地
形勝沿革廢興山川風
景人文物產莫不芻搜
遠攷備載明晰以信今而

傳後則邑乘所關第一邑
云乎哉臨彈丸山邑僻
處西河之西介秦晉之
交方其中外割據屢被
兵燹金元前杳無徵已舊

志湮沒已久今志卷帙脫
落不完蓋前令中江李
公剛會稽莫公增修本
也志志也有志非志不
如無志古今辨之究矣

三
四
倘輻軒驟至裂帛殘竹文
獻無徵將何以集太史之
府詳患體國而樹之
風聲以彰善而瘳惡耶
余承乏茲邑甫視事即

欲拾逸補正顧自慚謏
劣秉筆荷擔難已廢閣
久之已復自維束髮受
書來留心當世之務久
矣牽叨一

命授牧山陬時時體味

上諭教養二字微義以曲

盡父母斯民之道比

年間仰賴

皇上敬天勤民之所感召與

大中丞及

各憲之拊循噢咻之所

漸磨俾得歲登大有戶

樂誦弦雖痺貧薄陋之

山鄉日有起色其間出

秀杰之士共知按轡風
雅之場迴翔藻繪之囿
相与爭光鬻采軒翥騰
擲於功名之路臨故近于
西河郡頗擅文譽焉於

是邑之搢紳先生暨庠
士之能文者僉進而請
曰邑志之成其在斯時
乎會暇日于鳳山書院
集思廣益共相品酌繁

簡摠會銓配期於慎予
奪示勸懲而止其中之
博討辯洽則中書舍人
崔君子修李君伯懃與
歲進士趙子鼎扶李子

建侯功居多焉曰憶昔
橐筆

禁廷時所見郡邑志惟康
對山先生志武功簡潔
該富嗣響龍門是編裁

貶騰褒簡則有之若夫
依樹則附聖居宗
遠可貫百氏被千載而
上以黼黻
盛代之休明彌綸

皇朝之大業則於後之令斯土
而踵修者不無厚望也夫
爰于捐俸付梓之日而述
其補修之大旨如此
時

康熙五十七年孟夏朔日山
陽楊飛熊書於臨署
之德口堂

臨縣誌序

志與史異而同周禮小史掌邦國口
外史掌郡外志是已至孟堅作地里
志扶風繼龍門作十志史家因之是
史非志莫徵志者史之翼其所關者
大也志有分合如括地如寰宇如口
統會典均囊括八埏綜攬區宇若

星羅碁布之地則府郡縣衛各載其
天時地理上物民風之故將採而登
諸國史以鏡得失而昭鑒誠恐容謂
方隅乘載僅如嘗其一嚮掬其一漚
已也臨志由來者久自邑宰稽山莫
公編輯後垂數十餘年歲閱歲人閱
人中更多故缺畧未書卽舊函□□

漫漶不可稽幾成斷簡殘篇矣夫我
臨晉西巖邑全汾右肩扼要於四塞
五原之間民貧俗儉陶唐氏遺風在
焉其中形勝民物往來推遷之故政
教風俗之間得失具焉鑒誠存焉俾
之湮沒無聞上下靡徵詎不憾哉歲
甲午

邑侯楚州楊公來蒞茲土甫數載已政
修而事畢舉其治臨也若素稔乎臨
志之所宜者然順四序以和民則土
壤以尊民酌古今時損益是天時地
理沿革建置之適宜也絕苞苴寬刑
歛徭區田以贊農工蒞道塗以通市
利是民人食貨田賦之獲理也興賢

能勵勸懲課士藝選舉益興人物益
茂而藝文益醇矣抑且砥廉隅崇祀
典是秩官秩禮之非虛器也志之所
載治罔不臧志或不載治罔不備循
舊典而準以新猷而治乃大成然
侯不敢自謂治無遺治而遂懼其書
有遺書懼臨志殘缺出其治臨之經

緯以為編輯臨志之規條經以八綱
緯以四十四目諸條細節錯綜比附
而無遺博延新學編次舊聞芟繁補
闕又必躬自校讐捐貲庀材勒為成
書以予之固陋俾其謬從勦事聊以
充採訪訂魯魚余因得窺侯之鴻
文鉅識殆同繫年紀傳允垂範於後

焉夫文章以經濟而始大經濟以文
章而益彰侯才博思深發致遠之
宏篇文章茂矣而其政治能規畫於
窮山瘠土之鄉調適于世故紛拏之
會故事立則章成聲發而文生此曹
丕論文所謂經國之大業不朽之盛
事也周濂溪又曰文藝也道德實也

篤其實而以藝書之美則愛愛則傳
焉吾臨之事以志而傳臨之志以
侯之文而傳 侯之治道又以 侯
之文為臨之志而傳是文章原于經
濟經濟顯于文章異曰輜軒採其文
侯為良史樞簿撫其蹟 侯為良吏
三異三長濟美於後則方隅志乘亦

其槩也與是序

賜進士出身

御試一等教習考滿候補內閣中書邑人

崔鶴齡撰

臨縣志序

六經史之祖左氏司馬繼別之宗歐陽氏繼禰之小宗至郡邑州衛各自為紀倣孟堅地理志之意庶幾左氏司馬之耳孫六經之剩支餘派耶臨志自我

朝出震以來一修于華亭朱公再修于會

稽莫公迄今垂三十年其間廢者興者缺者增者殊難指屈况

聖道修明人文昌熾山澤之廣輪星野之躔次雖仍其舊而戶口登耗人心淳漓已判然隔絕天道三月一小周三十年則成一世不有搜羅紀載將蓼莪遺士采薇狐臣荒郊寂寞之濱青

燐螢火之下或抱潛行或貞苦節當時耳聞目擊者莫不咨嗟太息久之事迹磨滅湮沒弗彰何以慰既往昭來茲哉余惆悵久之愧三長旣乏翳越俎堪羞壬辰倖邀一第奉

歸養旋里之日

楊公來蒞茲土與余同出于司農趙尺

木階也。公為人渾厚精明，神君慈母，兩嬪之他如淹貫鴻博，肆應旁達，真所謂深而通茂而有間，連而不相及也。臨復崗崇嶺時，憂旱澇，公為之創區田，以粒生民。至書院義學，可羅雀芟草，凡若干年。公捐俸親課甲午丁酉登賢書者七人。前此未有

也。臨苦負載不善轉蓬之制，公開導車路，脂轄之利溥矣。余正欲鑿梓邑，乘使人知制所由始，如城建于杜公隄，設于常公學，肇于脫公興，水利則諸葛公賑，東白則莊公而公之區田造士等，後先不朽矣。一日親政之暇，流覽山川古蹟，必携舊志印，

之慨然曰朱公之志未免簡畧莫公
之志將毋榛蕪古人于千百里之遙
或十世百世展卷而鴻纖畢悉者文
獻足徵故也然則肆好行遠釐正之
功端賴乎此爰集趙子玉鉉李子思
豫崔子鶴齡議局于鳳山書院余以
荒鄙廁于中因快宿年之志躬逢其

盛 公字校句讐定為輿地建置食
貨秩官秩禮選舉人物藝文八卷其
意謂吾攷輿地吾得辨則壤之宜沃
土戒淫瘠土思善以養吾民吾攷建
置食貨吾得察古今鑒得失因時損
益以利吾民秩官秩禮攷其無聞某
賢以傳吾取以自勵而理幽殆明則

先王六經大法具在焉選舉人物有
攷吾得以獎有德厲不良立德立功
立言之報彰移風易俗之化微矣哉
至世道人心之升降政事之治忽藝
文可攷當不徒尋章摘句間也三閱
月而書成帙不踰寸許言不盈七萬
闕者補之羨者去之瞭若列眉昔者

五經同異賴宣室命諸儒講論于石
渠閣然後經學昌明 公以南金碩
彥分藜

禁廷芸臺秘室之奧權度精切自遊刃有
餘余等公請秩官行下特書 公竇
蹟

公堅辭不受於戲 公不自大其事

自尚其功 公之德盛禮恭也他日
輜軒之采

天子循良之選能不報最首及耶余附錄
于此以俟後之君子撫實補輯云爾
賜進士出身候補內閣中書舍人李棠蔭
謹序

邑誌跋

臨僻壤小邑志之由來舊矣

聖朝膺圖御宇自丙申雲間朱公修之距今六十有
三年乙丑會稽莫公繼修之距今三十有四年
或虞其畧而有所遺煩而涉於泛也氣運日新
無剝不復必有表章修明者適際於其時淮陰
楊公則其間出也 公蒞任四載良法美意筆不

勝書每念邑志殘闕人士以纂修請 公毅然

引為己任乃高才博學而虛懷善下不棄蕪

固陋荒耄如余亦得從事於諸君子之後不數月而書告成所志天時地理人事之大下逮土俗物產鳥獸草木之屬察變化成因不關切國計民瘼雨暘時若而人咸和樂科甲蟬聯而士皆丕振非偶然數也而且志存乎扶植綱常維持名教其於忠義之臣作為列傳篤行之士錫以美諡死者有知應大慰於地下至若深閨貞烈無論單門望族闡發旌揚斷不少遺餘力俾存者啣環亾者結草總之存心忠厚立法謹嚴

盖有美而斯彰非無徵而遽信於戲 公以良史才使躋諸天祿石渠之班自足以黼黻帝座潤色太平顧樓鳳荆棘日鞅掌於簿書錢穀中為 公惜也而轉為臨幸也臨之人交口而稱曰良司牧今值考績期

憲臺文章而薦之

天子霽顏而聽之行將以宰一邑者宰天下是纂修臨邑之志即纂修國史之嚆矢也可續貂之幾余固有所不辭爾

康熙戊戌桐月邑澗漢散人李恩豫撰

重修臨縣誌姓氏

總裁

文林郎知臨縣事楊飛熊渭江南山陽人

校正

儒學教論張世培念孟縣人

儒學訓導馬喆吉太原縣人

典史馮加義山西延川人

纂修

進士

崔鶴齡

舉

李棠蔭

人李璋

高能宜

生趙玉鉉

李思豫

貢

參閱

舉

人崔南齡

張捷

延維哲

貢

王爾朋

李瀛

樊冕

生李如勣

王永全

李紹綱

薛文傑

劉焞

王永培

生

劉宏烈

賀夢麒

員王廷珪

范允文

高能恭

張炳然

劉五重

趙士康

高際虞

郭帶京

生郭進

李錫衮

趙奕焯

繕錄

童

舊志序

順治十三年丙申

邑令朱紹鳳雲間人

志者識也修志者多侈言山川人物風土之藻麗以為巖邑觀而余不然志以志我過而已臨邑志勝國時一修於萬歷二十四年之常公時芳再修於天啟七年之李公度徵文則不足考實則有餘自崇貞辛未豹賊陷城圖書半歸燬下而志不可問矣閻焜姜夙相繼煊虐私藏斷簡亦遂為古壁尚書而志愈不可問矣歷今二十五年典故缺然實為慚德余每一念之輒作

數日惡茲且報政行矣懸賞力搜始得敗紙二三冊參伍次序爰授丹黃賴諸君子筆削之不數月全書告成爾雅明備余得籍以不朽覽志而喜可知也而余媿乃滋甚彈丸一塊土額賦幾萬有七千哀此芟芟咄嗟難辦兼之石田河水耗其一歲饑人亡耗其一強有力之家侵隱道欠耗其一中人之產一經踐更家輒碎余悉力撫綏催科緩急俱有法而兵燹餘媿代殭者猶故則覽志而媿地瘠人稀版曹時報絀矣以

今準昔丁不及十之一而徃猶是也編之者不能去其太甚且或甚焉假虎借叢而鴻雁為狐鼠之俎矣余采訪墜擽一矢神明而力役相泐賴尾者猶故則覽志而媿臨城負山帶水湫河泛溢齒堞如沙先有石堤橫亘其外計至得也自堤壞不復修而怒流薄肉且及腹心歲費金錢無筭余別為措置功半古人而東北數十丈絀於物力向隅者猶故則覽志而媿六年一炬公署為墟余慨然有光復舊業之志而聚訟

成功因就民居償其原直前後左右稍擴而充之庶幾稱嚴石焉而中堂以後卧榻虛懸落成盈有待矣則覽志而媿臨人性悍而輕生匹夫匹婦片言而不相得率投崖服毒懸梁而死者比比也亡恥之徒甚有自斷其指自殺其兇以陷人者矣余嚴行禁諭法無赦而一月之內猶或再見格心其何道與則覽志而媿他如積貯大命也儲蓄幾何戎器武備也除繕幾何經年城守止驅沽販之兒百河千里僅寄耰鋤之輩

上差可畏矣簿書期會能使裁決如流乎衙蠹必懲矣訟庭青草能使崔牙不擾乎則覽志而媿之數者皆余三年來經營補救竦息未敢安者猶時絀苦於舉盈或并深困於汲短况乎過此以往未之或知而余媿固無終極矣雖然以二十五年闕焉無稽之文重以積弊難返之勢一旦起而更新之談何容易志具在盛衰賢否洞若燎原前事者後事之師也屬有考選之役且晚戒途憊而補之我有望於後之令茲土者

重纂臨縣志序

莫友仁

邑誌與國史相為表裏均所以信今傳後為勸懲之大法故載信不載疑以實不以名使當時聽之者無異議後世閱之者有考據也然往往有史之所無而誌則載之史之所畧而誌則詳之蓋史書寄耳目於採訪而誌書則實親見其所以也是以

盛朝纂集怕有輜軒之使廣收郡邑之誌書而資採輯焉然則誌書也者不誠重哉修誌書也者

可不慎哉臨之邑誌自明萬歷間常命纂修之
後至

本朝順治丙申朱令再修之則去舊誌十之六七僅
存其二三而自常迄朱數十年間之事應增者
不增故天文地理建置食貨職官選舉人物藝
文皆缺而不備其於勸懲之道甚畧而甚衰矣
幸而舊本未盡湮沒老成猶可咨訪所謂文獻
足徵也丙寅秋友仁博求舊本廣詢老成與邑
之薦紳名衿重加纂輯去其荒唐增其缺畧補

與邑人共爲振興焉因思誌書之有資於宰有
裨於邑若此乃與薦紳名衿以及庶人共讀之
相期於修德凝命仿古芳軌以咸臻皇古之風
至於地行敗德頽風敝俗畧而不書所謂惡惡
欲短也然則有勸而無懲矣不幾於偏乎曰但
使能勉於為善而勸矣又何事於懲哉夫子曰
苟志於仁矣無惡也



原件短缺

可不慎哉臨之邑誌自明萬歷間常命纂修之
後至

本朝順治丙申朱令再修之則去舊誌十之六七僅
存其二三而自常迄朱數十年間之事應增者
不增故天文地理建置食貨職官選舉人物藝
文皆缺而不備其於勸懲之道甚畧而甚衰矣
幸而舊本未盡湮沒老成猶可咨訪所謂文獻
足徵也丙寅秋友仁博求舊本廣詢老成與邑
之薦紳名流重加纂輯其荒唐增其缺畧補

與邑人共為振興焉因思誌書之有資於宰有
裨於邑若此乃與薦紳名衿以及庶人共讀之
相期於修德凝命仿古芳軌以咸臻皇古之風
至於地行敗德頽風敝俗畧而不書所謂惡惡
欲短也然則有勸而無懲矣不幾於偏乎曰但
使能勉於為善而勸矣又何事於懲哉夫子曰
苟志於仁矣無惡也

序

舊誌序

順治十三年丙申

太史

朱之俊

汾陽人

上古無傳人非無人久故也上古無傳政非無
 政久故也夫人與政久而不傳者有矣烏有近
 而不傳者乎臨邑乘勝國時若干卷具在崇禎
 辛未秦賊渡河臨首當其鋒至即失守典籍圖
 書散亡畧盡邑誌遂在咸陽一炬中甲申再陷
 於闖逆已丑三陷於平寇而私藏副稿亦漫滅
 不可問矣十百年來人物政事倭爾稍況識者

傷之乙未歲郡伯王公慨然以表章文獻爲已任檄下八屬俾各纂輯誌書仰副

聖天子維新之治會雲間朱公爲是邑長徧索舊本不可得乃懸賞格以募之民間稍稍翻理故紙得殘幅刺葉來獻者公即酬多金居無何首者麇至篋叟醬翁不可謂臨無其人也公始彙覽而編次之刪復補遺一改舊觀仍訪求故老耳目所睹記者攷訂同異裒然成全書也今年春付剞劂以行余得寓目體裁巖核事理甄明簡

而盡信而不誣洵詞家之宗匠歟宋陸放翁作南唐書論者譏其文體纖弱僅稱小史然其中韻事雋語快人心脾者甚多何可一槩抹煞今邑誌小史類耳而公以子長孟堅之筆成之披讀一過恍然剖金匱石室之藏則公之以文章飾吏治於此露其一斑焉非輕才諷說之徒所能攀其項背者也臨人臨事籍公誌以傳而公亦因以自傳不朽之業良在茲乎余愧非文墨聊草綴數語以弁之

舊誌序

順治十三年丙申

趙福

國有史邑有誌兩義乎哉史者也乃筆古今是非
 邪正者也又能令人鑑古今是非邪正者也
 齊太史數被刑而南史執簡往聞太史書之矣
 迺還以古史者必是是非非與天人合一以醒
 世之心作衡世之範以空世之識寓翼世之箴
 余以為邑之有誌亦然誌雖記一方乎運會之
 遞遷風氣之易移土物之變換人事之得失循
 吏良宰之規模哲人正士之作用因以開闢

之盛衰擊生民之休戚留百年以上之芳躅與
百年以下之人心詎可忽乎哉雲間朱公出宰
茲土三椽奏積百廢具舉而獨撫膺於臨志之
殘失焉懸金以購得殘編於灰燼之餘因為修
輯不余蕪鄙得與於從事之末值世事滄桑之
後筆化劍墨化盾紕化堦墜幾不憶誌興廢揭
斯俟曰修誌在於其人有識見而不知事不可
與有識見知事而紀載不公信不可與余於識
見知事未可妄議而紀載則不敢不公信生平

無媚人具每見前修誌者於執事諸公率多溢
美不惟不足為諸公信恐後之閱者穢昧之也
雲間朱公懿美居多第既為今日命修之執事
余於公直述其政行之著者不敢為溢美辭公
亦不任人溢美也

臨縣誌卷一目錄

輿地志

圖考

分野

沿革

疆域

形勝

氣候

山川

風俗

景致

古蹟

祥異

附占候

臨縣誌卷一

輿地志

按周禮大司徒掌邦教以十二教治五物必先以天下土地之圖周知地域廣輪之數辨山林川澤邱陵墳衍原隰之名物而乃規土會辨物生施教法豈徒後世域封疆負險阻云爾哉王畿之辨方正位邊徼之體國經野一也故首列輿地焉



臨縣志卷一

圖考

古肇封九有相土畫區而已圖牒何有焉周衰
籍亾秦分郡縣而乃圖形以考籍蕭相國入關
收圖籍是也臨為晉西鄙其疆域城廟山川風
物載在舊籍久將紊焉且慮索空名而失真據
也繪而列之尺幅間瞭然矣

臨縣誌卷一

星楚

野辨九州職以二十八宿蓋謂天垂象地成形
不過配合之文非緣星而紀也象緯家以機祥
纏次為言志乘所不詳焉臨舊屬參井今亦仍
之

臨星楚屬參分得井之度舊志為昂畢者誤按
伶州鳩曰晉王即位歲在實沈董固曰實沈之
墟晉人是居鄭子產曰堯遷實沈於大夏主參

則參爲晉之分星臨舊隸太原則臨之分星屬
參至萬歷丙申陞汾州爲府割臨屬汾而分星
仍屬參者何武備志云汾州專屬參左氏謂臺
駘能業其官顓頊封於汾川蓋臺駘汾神實沈
參神則汾又屬參攷天文箋註參一度可當二
千九百三十二里臨東北距太原三百里有奇
東南距汾亦三百里有奇上下縱觀臨屬參無
疑其曰井者史記謂秦地天官東井與鬼分野
其界內有西河臨西河地百里許接秦得不分

星井乎且考天文參分楚兼井三分辰日申宮
曰陰陽居實沈之次分得參肩連井西有第一
星是臨分得井之度矣舊志所云昂畢者不過
摭撫史記昂畢冀州之說然據山河以攷之自
魏燭燿之北至廣平鉅鹿常山及清河信都全
趙之分雁門雲中諸地與北方邊外之國皆冀
之楚也冀域所指至廣太原特冀中一區臨更
爲晉匹壤其不專屬昂畢明矣

郡邑之設或因事命名或隨時立號由古至今代幾更矣名號寧一致哉循流溯源居上臨下是則有土者之實責也志沿革

按臨禹貢冀州之域周屬并州為唐國春秋屬晉戰國屬趙秦屬太原郡漢為離石縣屬西河郡三國屬魏晉為劉淵所據後沒於石勒後魏仍屬太原郡後周屬并州置烏窰郡是胡縣隋廢郡改縣曰太和唐改曰臨泉置北和州貞觀初州廢縣仍舊宋仍為是胡縣屬晉寧路金立

大是府復為臨泉縣元置為臨州屬冀寧路明洪武二年改為臨縣屬太原府萬歷二十四年改屬汾州府

國朝仍為臨縣屬汾州府編戶一十七部

攷前金貞祐末年兵南下先諸郡歸附元太師言於左右曰今帥師征河而此城先納款前途無阻徑濟洪津乃平是夏國之兆也因嘉之以聞賜名大是府至中統間設省臺此城屬太原更為州命曰臨取地澤臨之義并附參

疆域

自秦郡縣後畫一邑以守土猶古之九州十二州以逮列土之千百國均期為保障以羽翼王室而不少以瘠土而玩焉臨僻萬山土瘠矣而民多勞勞則思安業而易於効順相厥土宜以與為撫綏是亦大樹國屏於西也志疆域

臨北至京師一千八百里

至會城五百五十里

至郡三百二十里

縣境東西相距一百九十里南北相距一百六十里

東至永寧州界連枝山七十里

南至永寧州界馬頭山九十里

西至黃河岸一百一十八里

北至興縣堠塢界八十里

東北至靜樂縣界一箭嶺一百三十里

東南至永寧州界霍家嶺七十里

西南至永寧州界孟門鎮一百二十里

西北至興縣界紅石灘一百四十里

東南至永寧州城一百五十里

東北至靜樂城二百七十里

形勝

晉為神京右臂臨又為晉右臂一有失守則呂
梁莽伏延綏葦抗由此長嘯而東如建瓴然故
臨雖黑子亦全晉咽喉其未雨綢繆端有賴焉
志形勝

按臨東接離石南通孟門西抵黃河北去五原

表裏山河亦西北要會也

氣候

氣候以天為言者躔次較遠邇也以地為言者
山川爭平坡也以人為言者吹律可回春也臨
廣袤不過百里寒暄大約相似而治之南北殊
多不同豈度有參差地有凸凹與易云山澤通
氣或各因其陰陽之所近而應焉志氣候

按臨山高風猛氣多寒肅立春時猶不去裝綿
二三月間忽陰森嚴凝雨霖雜布雖堯咨甚於

豆田猶有凍枯者諺云四月八凍死黑豆甲春
社種麥被稷後間着單袂四月方用筴至暑大
熱數日其餘猶未炎蒸一經秋金風透體早晚
羸弱者每欲着綿秋分前後間隕霜殺禾民餒
於稔糝及冬寒氣總至水澤腹堅貧者病龜手
城市多瓦屋然木炭以禦寒焉其氣候大約如
此

山川

山不必泰岱水不必江河蓋一邱一壑亦分天

地緒餘猶人之骸體支絡也臨雖蕞爾豈無拱
峙而環繞者志山川

山

鳳凰山 縣城所倚西山山巔築城南下為牛
澗

龜山 在縣治西南又名長壽山北下為牛澗

赤紅山 在縣東北七十里高歡大破爾朱兆

於赤紅嶺即此

連枝山 在縣東六十里

黃龍山

在縣正東五十里上有黃龍廟

首志黃

山雲

中脚山

在縣東四十里出炭明嘉靖間知縣

張墀開鑿利民尋為水關萬歷間知縣常時芳

復浚之有李文郁撰記今亦水關

漢高山

在縣東南五十里高祖擊陳豨駐此

因名焉有三宮人死葬於其麓土人建祠祀之

馬頭山

在縣東南九十里

火山相連樊包頭山

在縣東南八十里出炭

并磁利民

招賢山

在縣東南八十里出炭兼有磁窰鐵

冶利民

紫金山

在縣西北四十里舊有玉皇殿元帝

殿聖水殿殿塑浮濟大王像俗呼三石郎或云

石勒祠乃山石勒訛為三石郎也又有石窰數

孔明末西賊往來為巢縣公杜拚玉皇元帝二

殿并毀窰孔聖水殿巋然獨存殿左石壁二孔

僅容隻手相去二尺許西為兩穴東為風穴

穴亦閉不敢啓雨穴逢旱祈禱探手得水即雨
平時無意探之常有水珠鈿石等物

孝文山 在縣東北一百四十里周家溝界因
魏孝文避暑於此故名尚有廢址存焉

水

黃河 在縣西一百一十八里由保德興縣經
縣境西界南流逶迤寧之孟門共長一百八十
餘里

湫河 發源興縣合查山麓山大小枝頭山長

城坪西南行三十里經白文鎮折而南流六十
里東北受榆林諸水合流而南行五十里至三
交鎮折而西南行五十里至大同磧口入黃河
却家坡河 在縣東北五十五里泉在本村南
側從地涌出深三尺餘冬夏澄靖冬間熱氣如
蒸永不凝冰灌田利民至本村地陵下入湫河
小馬坊河 在縣東北三十里泉出本村石巖
下冬夏澄靖冬間熱氣如蒸永不凝冰灌田利
民至本村溝口入湫河

喬子川河即陳莊河 在縣東北二十里 源連枝山下或見或伏灌田利民至川口陳莊鋪入湫河

榆林河 在縣東北五里發源黃龍山灌田利民西流至榆林溝口入湫河

甘泉河 在縣東南三里許發源本村石巖下灌田利民西流至甘泉溝口入湫河

安業河 在縣東南十五里發源中腳黃龍二山下灌田利民西流至安業溝口入湫河

大峪河 在縣東南二十五里發源漢高山下灌田利民西流至大峪溝口入湫河

小峪河 在縣東南三十里發源雲山下灌田利民西流至溝口岐道村入湫河

鐘底河 在縣東南六十里發源端水頭西流至三文鎮入湫河

故縣河 在縣北五十里發源唐炭溝海子頭溝及本村下灌田利民東流至本村口入湫河
窪頭河 在縣北四十里發源紫金山北麓

田利民東流至窰頭溝口入秋河

太平河 在縣西北三十里發源紫金山或見

或伏至武家坪村見而不伏灌田利民東流至

太平溝口入秋河

萬安河 在縣西北十里發源紫金山東麓灌

田利民東流至萬安溝口入秋河

麻峪河 在縣西北一里許發源暴水泉灌蔬

圃利民東流至麻峪溝口入秋河

善卷河 在縣西南十里發源趙家圪台東流

至善卷溝口灌田利民入秋河

青堂河 在縣西南二十里發源丁家溝并本

村灌田利民至本村地陵下入秋河

孝才河即月鏡川河 在縣西十五里發源埋

頭莊微灌蔬圃利民南流至索達干入黃河

青涼河 在縣西三十里發源紫金山下灌田

利民西南流至叢羅峪入黃河

曲峪河 在縣西一百里發源紫金山下或見

或伏至張陽會見而不伏微灌田利民西南流

至曲峪鎮入黃河

杏林莊河 在縣西一百一十八里發源紫金

山西麓經流兔兜坂至杏林莊灌田利民入黃

河

第八鋪河 在縣西北一百二十五里發源紫

金山西北麓西北流至第八堡灌田利民入黃

河

風俗

臨為陶唐下邑土阜平叢川流迅厲故其民悍

而不奸感而易從近文物頗盛而古樸直魯之

風寢變矣志風俗

禮儀

冠 髻年垂髻十三四蓄髮近

婚 鄉民論財城中紳衿尚禮娶

喪 則鼓吹親迎猶有上古遺風

祭 民食鮮祭廟四時薦於神主復備香楮食品

歲時

元旦 男女夙興盛飾拜神祇祖宗及父母尊長

喜神

於春

先數日刺巫現倡優等各逞所能於善化

立春

寺謂之演春粧飾整齊逞於官及各種衿

家謂過堂

即備義也

七曰

用椿木作女人狀先點禱數日至期二人

麻老

昇而跳以身向問吉背問凶土人謂之跳

元宵

張燈結綵戲賽各坊社醮金合酬謂

謂之

破天盤至二十日謂之小天倉二十五日

燔柴

以思先亡者亦答陽義也

清明

前數日豎鞦韆為戲本日踏青兒童

作

麵燕乾能療食積其土墳見祭儀

上巳

取柳條作

端陽

辰抹艾插首以辟疫食角黍相餽遺飲雄

六月六日

取水踏躑躅獨佳初伏浴於河謂之

七月初六

農家掛田旛辟蟲

中秋

具瓜餅餽遺至晚有設

重陽

食糕問有登

十月一日

鷄鳴時焚紙段於各門者謂之送寒

哀號

衣新亡未過三年者焚紙衣服婦女

悼悅

冬至

赴塋祭祖先

十二月初八日

或黍或糯入棗羹

二十三日

夜用飴祭竈
明日掃舍

除日

多嫁娶貼門神春聯堯符放紙炮夜具酒
食環坐謂之守歲好事者造乾飯於此夕

火日食之
謂隔年飯

衣服

古尚布素數年前縉紳家間着紗緞民雖
富麗服人輒鄙之近稍華奢其實不及前

豐腴
多矣

晏會

古慶吉大禮葷素各六器蒸燻三五品近
大盤四盤五純用葷或更有蒸燻加品高

年老人以為臨較前侈靡
是在維持風教者抑之

宮室

古有城樓臺榭明未數遭兵燹灰燼無遺
近太平日久鄉居土穴城市架木磚砌規

模疑小并無
甲第連雲者

景物

日月山河大景於天地君臣父子夫婦大景於
人乃習焉遂不景矣世之景皆以分陰陽一節
之氤氳奇之而為景若八景在臨其氤氳亦奇
矣然母徒博騷人遊士之艷詠也敦篤乎君臣
父子夫婦之大倫與此景同為藻繪離奇焉景
其大哉志景物

紫金瑞雲 其山嵯峨高峙頂上四時常有雲
氣阜輒往祈

黃河古渡 其河中路古有浮橋相傳為神人所造後設舟楫以濟往來

慈雲鏡碑 古刹石碑瑩徹如鏡照見山川人物

普化神鐘 普化寺內有古鐘金大定三年造重數千勛聲聞百里崇貞壬申寺焚墮地損壞東林晚照 時既就晦獨此山日光猶存者一二時色微赤山側有泉味甘美為臨第一

鳳嶺朝陽 即鳳凰山體勢高拔而太陽早照

湫川煙雨 雨山排□一水中流萬竈煙橫霏濛如雨

甘泉漱玉 出甘泉溝石巖下噴如漱玉味極甘美

古蹟

邑紀前踪徵信為難載禮猶疑漢人附會矧僻隅逸事耶君子強為徵不如善為取採厥正大為之寓目而奮興荒謬無稽則附諸齊諧燕語存乎好古者自為取爾志古蹟

石崖佛字 城南十里路東懸崖百尺上有一佛字縱橫三尺許體甚端楷其色稍白因名曰白佛崖昔人杜時運構半室其前以為香燭地今廢按舊說佛音彌為佛□之佛謂未有佛之先此字已生於此崖所以至今人稱為白彌崖不稱白佛岩云

劉王古溝 劉淵引兵過此有德于民土人立廟祀之今廟尚存

故縣古城 城北四十里東山一城西河澌一

城基址尚存舊志以為晉南渡後中原淪沒并州大都督劉琨奉晉正朔築此以攻劉淵府志以西北四十里為古臨泉城未知孰是

古烏突郡 城南三十里北魏所建領六縣隋

文帝開皇三年改為善訓府有古城遺址唐高祖併小就大廢為五杜東大岳南宰都西玉溪北古壇中善慶今東關豐市街碑記古蹟猶存孝文遺跡 城南五十里三交南山相傳以為後魏孝文過此見有異氣遂鑿斷來脉建立

廟以厭之因荆棘掛袍怒折其刺至今此地棘刺獨無勾云

禹王廟 距城四十里名大禹村村巔祀禹王廟廟無碑碣不知建自何代今止存洪武三年匾一面土人相傳禹鑿龍門經此故祀焉廟內柏四株垣外柏一株其周圍約一丈五尺有餘汾商重價市之將伐是夜雷風大作樹文左扭驚者驚怖木亦不堪為用事遂寢

元延安總管袁公湘墓

其子袁克忠仕至四川道按察使袁克良為太原珠

才司墓俱在穆村峪

公字潤夫家世臨泉金元間以功授延安路兵馬總管明正德五年提學陳公掄其功從祀孔廟萬歷年間提學呂公以湘先仕金後降元革其祀袁公末詳藝文神道碑

張宏範墓

在松峪村

紀元墓

長樂郡人元至正年間尚書墓在萬安坪梁

吉狀元墓

在吉家庄

蕭寺

在城南二十里寺將坍塌毀止留石像數尊工缺舊古殿樑載雍熙年號

普照寺

在招賢村寺建于漢及唐乾符北漢天會碑跡剝落不可句讀至金大定奉勅賜普照禪院原牒並重修記猶存

祥異

馬圖龜書盛世必傳桑枯焚退史書必載是以孔子作春秋日食必書霜不殺草必書鷓鴣廟毀必書匪矯誣也蓋以天人相與之際不可不畏也志祥異

明

嘉靖十九年八月中大水暴漲自東山至城下並

無岸際約高數丈城內水與城齊漂沒民居器物無數後南城角毀洩□而出

三十四年冬中夜地震墻屋塌毀人畜損傷甚衆

四十一年春榆林村生員馬科園內產芝草一本玉莖紫蓋其大如盆載貢

萬歷九年春秋大旱

十年至十三年凶荒之災稱苦為最十四年饑饉大荒

二十四年春夏俱大旱

二十九年八月初九日嚴霜早降秋禾未熟歲致大侵人食樹皮草根餓殍載道且瘟疫民甚苦之

崇貞五年夏四五月野鷄無數飛落城中之西山兩月後始去 九月每夜戌亥時滿城鷄鳴于 一月流賊陷城屠戮甚慘

六年八月至七年四月不雨大饑

十五年春夏間米價騰湧斗粟六錢民多餓殍

國朝

順治四年城頭火光燄發以物擊之其燄相傳無已注目再視則無 七月內飛蝗蔽天踰月禾穀皆盡赤地千里

九年五月十六日冰雹大如鵠卵積尺餘厚麻麥俱損

十二年四月初六夜雨雪三尺餘至曉樹枝多壓折後三閱月不雨近城禾麥淺收一二城西濱河一帶歉甚蔬芻俱缺

康熙三年汾屬大水忻代等處地震厭死人民無數

十二年九月初九日地震

十八年大旱

十九年大旱

二十二年五月初三日龍起生員田中英門肩震死高養敬 十月初五日地震城垣女牆傾圮山川濛氣且有聲 十一月初六日雨雪至初十日方止雪深四尺凍死樹木無數

二十三年七月十三日大雨起至八月初八日止平地水溢田半滄沒

二十五年夏大旱秋七月暴雨湫河水漲壞東城數百尺餘并衝東甕城關廂禾稼滄沒大半 二十六年四月初九日午時大風雨雪西北山上白文鎮等處積雪二尺許

三十四年四月初六日地震

三十四年早霜

三十五年早霜冬無雪

三十六年大旱斗米七錢餘民或饑相食南城
外掘男女二坑日填餓殍無算時瘟疫大作虎
狼噉人土賊嘯聚骨脊山掠奪村落甚衆
三十九年五月初四日大水自東崖至城內普
化寺西廊下約高數丈越數日復暴漲東面一
帶城郭俱沒

附占候

隆慶四年拖練星見於臨之分界長十餘丈其尾
漸粗大掩回自西北指東南光彩射人

六年五月太白晝見自東歷西月餘方沒

萬曆十年彗星東見直射參度歲餘方滅

崇貞八年西北隅有大星如月未及申時即出光
芒紫赤侵入井度

康熙三年有彗出箕度天市直抵昂畢而終於參
井參井皆水宿占為水溢為地動汾界入參全
度雁門太原等屬入井八度

康熙十二年九月初九日太白經天

康熙二十二年彗星長竟半天直抵參井

